



Inatsisartuni ilaasortaq Naaja H. Nathanielsen, Inuit Ataqatigiit
MAANI

**§ 37 naapertorlugu apeqqummut 2013-79 Tusagassiortunik katersortitsineq -
uulia, akissuteqaat**

4. juni 2013
Sagsnr. 2013-080134
Dok. Nr.

Aatsitassarsiorneq pillugu nalunaaruteqarnermut tunngatillugu Inatsisartut suleriaasianni §
37 imm. 1 naapertorlugu, makkuningga Naalakkersuisunut apeqquqeqarputit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: islin@nanoq.gl
www.nanoq.gl

- 1. Naalakkersuisut uuliamik ujarlernissamut akuersissutit maanna amerlassusaat
attatiinnarniarpaat, taamaalillutilu taamaallaat nutaanik akuersisarumallutik
ingerlatseqatigiiffiit maanna ingerlasut akuersissutiminnik utertitsissapata?
Naalakkersuisut qinnuigineqarput ullumikkut akuersissutiniit amerlanerusunik
tunniussisarnissamut tunuarsimaarnermut tamatumunnga pissutaasoq
itisileqqullugu.**

Akissut:

Maannakkorpiaq ikummatissiassanut suliassaqarfimmi misissuinissamut aamma
qalluinissamut pisinnaatitsissutit 20-it tunniunneqareerput. Naalakkersuisut
isumaqarput kisitsit taanna naleqquttusoq, amerlassutsit taakkua annertuumik
misissuilluni ingerlataqarnermik malitseqalereermata. Ikummatissiassanut
suliassaqarfimmi ineriartortitsineq nunatta innuttaasullu "malinnaaffigisinnaasaannik"
sukkassuseqassasoq Naalakkersuisut anguniagaraat. Pisinnaatitsissutit
amerlassusissaannut annerpaaffiliussamik killissaliisoqangilaq, kisiannili
aallaaviatigut ukiut 1-imiit 2-imut ingerlaneranni pisinnaatitsissutit utertinneqartut
aamma pisinnaatitsissutit nutaat amerlassusaat oqimaaqatigiipajaartussaavoq.
Aatsitassanut aamma ikummatissiassanut suliassaqarfimmi periusissamik nutaamik
2014-imi saqqummiussinissaq Naalakkersuisut pilersaarutigaat, tassani sammisaq
taanna aamma kalluarneqassalluni.

- 2. Naalakkersuisut akuersissuteqarfissat ullumikkut "ammasutut" taaneqartartut,
uuliasioqatigiiffiillu ukioq kaajallallugu qinnuteqaateqarfigisinnaasaat
peernialersaarpaat?**

Akissut:


UPA 2014-imi ataatsimiinnermi Naalakkersuisut aatsitassat pillugit iliuusissat
saqqummiunniarpaat, aalajagiiffigineqassaarlu sumiiffiit sorliit ujarlernissamut
akuersissutigineqassasut.

- 3. Naalakkersuisut uppersarsinnaavaat uuliasiornermut tunngasutigut ukiaru
inatsisit allannguutissaannik saqqummiisoqarani, malittarisassat maanna
atuuttut attatiinnarneqassasut?**

Akissut:

Aap, tamanna Naalackersuisut uppersarsinnaavaat.

Inussiarnersumik inuulluaqqusillunga



Jens-Erik Kirkegaard